

158 9. Langholtsprestakall: Langholtssókn.

17. júlí Sóknin nær frá mörkum Laugarnessóknar og Bústaðasóknar að sjó og Elliðaám.

Kirkjumálaráðuneytið, 17. júlí 1952.

Hermann Jónasson.

Gústav A. Jónasson.

159

21. júlí

REGLUR**um félagsheimilið Snæfell í Breiðavíkurbreppi.**

1. gr.

Nafn félagsheimilisins er Snæfell, í Breiðavíkurbreppi, Snæfellsnessýslu.

Stærð lóðarinnar umhverfis húsið er 660 fermetrar.

Eigendur félagsheimilisins eru: Breiðavíkurbreppur og ungmennafélagið Trausti.

2. gr.

Húsnefnd, kjörin árlega, stjórnar félagsheimilinu. Hún er þannig skipuð: Einn maður frá ungmennafélaginu Trausta, annar úr hreppsnefnd Breiðavíkurbrepps og þriðji maðurinn kjörinn á aðalfundi eigenda. Varamenn skulu kjörnir á sama hátt.

Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda þjóðskjalasafninu gerðabækur þess til vörzlu.

3. gr.

Húsnefnd heldur fund, er þurfa þykir. Skyld er henni að halda fund ef $\frac{1}{3}$ nefndarmanna æskja. Aðalfundur eigenda félagsheimilisins skal vera ár hvert. Skulu þangað kvaddir með hæfilegum fyrirvara hreppsnefnd Breiðavíkurbrepps og stjórn ungmennafélagsins Trausti. Á fundinum skal húsnefnd leggja fram rekstrar- og efnahagsreikning félagsheimilisins fyrir s. l. ár, endurskoðaða af endurskoðendum sveitarsjóðsreikninga eða löggiltum endurskoðara. Einnig leggur hún fyrir fundinn fjárhagsáætlun fyrir félagsheimilið á yfirstandandi ári. Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld sem stofnkostnað.

Reikninga og fjárhagsáætlun skal bera undir atkvæði fundarmanna. Húsnefndarmenn hafa hver um sig eitt atkvæði á aðalfundi og hver félagsstjórn þrjú atkvæði. Félagstjórnir skýra frá því á aðalfundi, hvern þær hafa kjörið af sinni hálfu í húsnefnd næsta ár. Aðalfundur kýs síðan oddamann, sbr. 2. gr.

Afrit af ársreikningum félagsheimilisins skal senda félagsheimilissjóði.

Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- a. Að ráða húsvörð, setja honum starfsreglur og sjá um að þeim sé fylgt;
- b. að ráða annað starfsfólk, ef aðalfundur telur nauðsynlegt. Leita skal um-sagnar húsvarðar um ráðningu starfsfólks, sem á að vinna undir hans stjórn;
- c. að ráðstafa félagsheimilinu til afnota fyrir eigendur og aðra;
- d. að ákveða gjöld fyrir afnot hússins;

- e. að annast kaup nauðsynlegra tækja og áhalda;
- f. að sjá um viðhald og endurbætur húseignar, húsbúnaðar og áhalda;
- g. að sjá um, að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;
- h. að sjá um, að húsið sé hæfilega lýst og hitað;
- i. að sjá um, að löggæzla sé á samkomum, ef þess er þörf.

159
21. júlí

5. gr.

Eigendur félagsheimilisins skulu eins og aðrir greiða fyrir afnot hússins. Skyllt er þeim að heimila félögum, er greinir í 1. gr. laga nr. 77 1947, um félagsheimili innan sama byggðarlags, afnot hússins gegn hæfilegu gjaldi, ef eigi fer í bága við eðlilega þörf eigenda sjálfra fyrir húsið. Verði ágreiningur um hvort slíkt félag eigi rétt á afnotum af félagsheimili, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal vera svo há, að nægilegt fé fái til þess að inna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt, að húseignir, áhöld, húsbúnaður allur og fatnaður sé jafnan hæfilega váttryggt.

8. gr.

Félag, er samkomu heldur í félagsheimilinu, skal hafa þar gæzlumann af sinni hálfu. Ef húsvörður er eigi við, þegar samkomu lýkur, skal gæzlumaður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

9. gr.

Að lokinni hverri notkun félagsheimilisins, skal húsvörður sjá um ræstingu þess, þ. á m. að gólf séu þvegin úr sápuvatni, salerni hreinsuð vandlega úr sótt-hreinsandi efnum og fatageymslur, bað og búningsherbergi ræst. Árlega skal fram fara gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri gripheldri girðingu, er haldið sé vel við.

Hestagirðing og bifreiðastæði skal vera í námunda við félagsheimilið, ef því verður við komið.

11. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að nota einungis fána með réttum litum og hlutföllum.

12. gr.

Árlega skal athuga húseignina alla vandlega með viðgerð fyrir augum. Einnig skal athuga múrhúðun, þak, þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljóstæki, vatnslögn og krana, gluggatjöld, leiksviðstjöld, gólf í samkomusal o. s. frv.

159

21. júlí

Skemmdir á húseign, áhöldum og húsbúnaði umfram eðlilegt slit, skulu þeir bæta, er spjöllum valda.

13. gr.

14. gr.

Í félagsheimilinu má hvorki veita áfengi né neita þess né hleypa inn ölvuðum mönnum. Húsnefnd getur svipt þá, er gegn þessu brjóta, aðgangi að félagsheimilinu tiltekinn tíma.

15. gr.

Barnaskóli Breiðavíkurhrepps, sem er í félagsheimilinu, fær til afnota 1 stofu, aðgang að salerni og fatageymslum, einnig að samkomusal hússins fyrir leikfimi. Leiga fyrir það húsnæði, sem að framan greinir, skal vera samningsbundin frá ári til árs milli hreppnefndar og húsnefndar. Ef annar skóli eða námskeið er í félagsheimilinu, skal hann eða það sæta sömu kjörum.

16. gr.

Taki leigjandi að sér ræstingu, skal hún vera framkvæmd samkvæmt 9. gr. reglugerðar fyrir félagsheimili. Hafi húsið ekki verið hreingert innan tveggja daga frá því að samkomu lauk, er húsverði heimilt að láta þrifa húsið á kostnað þess aðila, er tók húsið á leigu. Enn fremur, ef húsverði þykir ekki nógu vel gengið frá húsinu, er honum heimilt að láta þrifa það betur á kostnað leigjanda. Að öðru leyti skal gengið frá húsinu eftir hverja skemmtun samkvæmt 8. gr. reglugerðar um félagsheimili.

17. gr.

Ef reksturshalli verður á félagsheimilinu, verður hann greiddur af eigendum þess, til jafns af hvorum aðila.

18. gr.

Reglur þessar, sem settar eru með skirskotun til 8. gr. laga nr. 77 5. júní 1947, um félagsheimili, öðlast gildi þegar menntamálaráðuneytið hefur staðfest þær.

Framanskráðar reglur staðfestast hér með.

Í menntamálaráðuneytinu, 21. júlí 1952.

F. h. r.

Birgir Thorlacius.

Jóhannes Ellason.

160

21. júlí

REGLUGERÐ

um skemmtanaskatt í Ólafsvíkurhreppi í Snæfellsnessýslu.

1. gr.

Samkvæmt lögum nr. 34 frá 22. nóv. 1918, sbr. lög nr. 30 19. júní 1922 og lög nr. 61 11. júní 1938, skal greiða skatt af skemmtunum fyrir almenning, sem haldnar eru í Ólafsvíkurhreppi, og aðgangur er seldur að og eigi eru undanþegnar skatti með lögum.

2. gr.

Þessar skemmtanir eru skattskyldar og flokkast þannig:

I. flokkur:

- a. Fyrirlestrar og upplestrar.
- b. Söngur.